



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Popon. Canonico Frisagen.

urn:nbn:de:hbz:466:1-20006

DECANO ET CAPITVLO
Aquilegiensi.

tenemus in terris, nostram insufficien-
tiam attendentes, quorum mentem di-
versæ diversarum Ecclesiarum jugiter
necessitates urgent, quorum corpus assi-
dui conquerentium clamores affligunt,
præter eos quibus pars est solicitudinis
nostræ commissa, cùm necessitas exigit,
vel requirit utilitas, in diversas provin-
cias Legatos à nostro latere destinamus,
quibus tanto amplius credatur à subdi-
ctis, quanto specialius eis apostolica sedis
auctoritas delegatur. Dilectum itaque
filium nostrum fratrem Rainerium, vi-
rū virtutē probatā ac conversationis ho-
nestā, Deo & hominibus obtenuit suā
religionis acceptum, cuius scientiam &
industriam in similibus jam sumus experi-
ti, commisso ei plena legationis officio
ad partes vestras duximus destinandum,
ut evellat quā evellenda cognoverit, &
planter quā plantatoris cognoverit of-
ficio indigere, specialiter autem & præ-
cipue ad confutandam hæreticam pravi-
tatem assurgat, & scorpionum illorum
aculeos omnipotens Dei virtute repre-
mat & conculceret, qui virus draconis in
aureo calice Babylonis propinan, haben-
tes, secundūm Apostolum, speciem
pietatis, virtutem autem ejus penitus
abnegantes; quorum principium religio-
nem palliat, medium non docet sed se-
ducit indoctos, finis perpetuum interi-
um comminatur: qui etiam secundūm
evangelicam veritatem ad nos veniunt
in vestimentis ovium, intrinsecus autem
sunt lupi rapaces. Monemus igitur fra-
ternitatem vestram & exhortamur in
Domino, ac per apostolica vobis scripta
districte præcipiendo mandamus, qua-
tenus eundem Legatum sicut personam
nostram recipientes humiliter & devotè,
quā ipse inter vos statuenda duxerit seu
etiam corrigenda, recipiatis humiliter,
& inviolabiliter observetis; præsertim
autem contra hæreticos taliter ipsi cure-
tis adesse, ut per solicitudinem vestram
& diligentiam ejus, vobis cooperantibus,
de partibus vestris gens extirpetur
iniqua, & confutata hæreticorum perfida,
doctrina prævaleat salutaris, & fal-
sis dogmatibus reprobatis, vivat & inva-
lescat apud vos veritas in æternum. Da-
tum Laterani Nonis Iulij.

In eundem modum Narbon. Archiepisco-
po & suffraganeis ejus, Aquen. Archiepisco-
po & suffraganeis ejus, Ebredunen. Ar-
chiepisco & suffraganeis ejus.

Constitutus in præsentia nostra di-
lectus filius P. Ecclesiæ vestræ Præ-
positus sua nobis conquestione monstra-
stravit quod vos ipsum villa de Dranis,
quæ est inter beneficia vassallorum, ad
ipsum ratione præposituræ de jure spe-
ctante, sicut in privilegiis vestris perspe-
ximus contineri, prætermisso juris ordi-
ne contra justitiam spoliastis, eam vene-
rabili fratri nostro Patriarchæ vestro
motu propriæ voluntatis in dicti Præpo-
siti præjudicium assignantes. Cùm itaque
non sit alicui consulendum cum alterius
detrimento, universitati vestræ per apo-
stolica scripta mandamus & districte
præcipimus quatenus præfatam villam
cum omnibus pertinentiis suis & fructi-
bus inde perceptis & omni integritate
in qua tempore donationis exitit, me-
morato Præposito restituere non tarde-
tis; famulos quoque à suis predecessorib-
us infeudatos quod minus dictus Præ-
positus instituere possit, & etiam infeu-
dere, prout ad ipsum de jure pertinet,
impedire minimè præsumatis. Alioquin
dilecto filio G. Tergestino electo præci-
piendo mandamus ut ipse vos ad ea
quæ præmisimus, prout justum fuerit,
per censuram ecclæsticam appellatione
remota compellat. Nullis litteris &c.
Datum Laterani IV. Idus Iulij.

POPON. CANONICO FRISAGEN.

Cum de consuetudine Friesagen. Ec-
clesia fructus præbenda tuae pro-
ponaris haec tenus, sicut & alij Canonici
faciunt, liberè percepisse, nolentes ut
super his juri tuo processu temporis præ-
judicium generetur, ut eos de cetero,
sicut fecisti haec tenus, percipere valeas
& habere, non obstante si quid in absen-
tia tua factum est in præjudicium tuum
contra priorem consuetudinem Ecclesiæ
memorare, auctoritate tibi præsentium
indulgemus. Nulli ergo &c. Datum
Laterani II. Idus Iulij.

ABBATI ET CONVENTVI
de Vualthan.

Cum à nobis petitur &c. usque ad
verbum assentu, jus quod habetis
in Ecclesia de Scerninges, sicut illud ju-
ste & canonice possidetis, auctoritate
Ggg iij

Epist. 124.
Vi Præpositorum
suum spolia-
tum restituunt,

Epist. 125.
Vi Præbenda
sue fructus per-
cipiat.

Epist. 126.